



Sadržaj

Pokrenut Prvi interaktivni portal za dijasporu iz Bosne i Hercegovine, 2

Vijeće ministara BiH usvojilo Izvještaj o provedbi Politike o saradnji sa iseljeništvom, 3

Dijaspora za razvoj: Prijenos znanja iz iseljeništva u BiH, 3

Borovac-Ademi: Jačati saradnju sa iseljeništvom, 4

Štuttgart: Održan drugi sastanak za osnivanje Reprezentativnog tijela iseljeništva u Njemačkoj, 4

Prijenos znanja iz dijaspore u Bosnu i Hercegovinu, 5

Vijeće ministara BiH: Evropske zemlje najznačajniji investitori u BiH, 6

Potpisan memorandum o saradnji u oblasti iseljeništva sa 28 gradova i općina u BiH, 6

U Cirihu održan Poslovni forum Bosna i Hercegovina – Sektor Housing, 7

Promoviran Znanstveni portal Bošnjackog instituta – Fondacije Adila Zulfikarpašića, 8

Piacenza: Formirano krovno udruženje iseljenika iz BiH u Italiji
USAID: Pokrenuta online platforma 'diasporainvest.ba', 9

Vijeće ministara BiH: Usvojena revidirana Strategija razvoja nuake u BiH, 10

Uvod

Poštovani čitaoci,

Pred vama je drugi broj Biltena za iseljeništvo, koji izdaje Ministarstvo za ljudska prava i izbjeglice Bosne i Hercegovine s ciljem unapređenja komunikacije i informiranosti našeg iseljeništva o događanjima u Bosni i Hercegovini, odnosno o aktivnostima ovog ministarstva.

U prvom broju imali ste priliku detaljnije se upoznati o dokumentu Politika o saradnji sa iseljeništvom, koju je Vijeće ministara Bosne i Hercegovine usvojilo prošle godine. Ovo je prvi dokument kojim je institucionalizirana saradnja Bosne i Hercegovine i njenog iseljeništva, te predviđeno niz aktivnosti Ministarstva za ljudska prava i izbjeglice i ostalih institucija nadležnih za oblast iseljeništva.

Brojne aktivnosti koje su uslijedile nakon usvajanja ovog dokumenta dokaz su ozbiljne namjere i pune predanosti Ministarstva da saradnja sa iseljeništvom bude postavljena kao prioritarna aktivnost i to na sasvim drugačijim osnovama i načinu nego što je to rađeno do sada.

Uz Bilten za iseljeništvo, koji upravo čitate, u svrhu realizacije cilja Politike koji se odnosi na snaženje komunikacije sa iseljeništvom, krajem februara 2018. godine promoviran je i interaktivni portal za dijasporu iz Bosne i Hercegovine www.dijaspora.mhrr.gov.ba. Također, u okviru projekta Vlade Švicarske i Ministarstva u saradnji sa UNDP-om i IOM-om „Dijaspora za razvoj“ pokrenuta je aktivnost prijenosa znanja iz iseljeništva u BiH kao izuzetno vrijednog i do sada nedovoljno korištenog potencijala naše dijaspore.

Osim vijesti o tim aktivnostima, u ovom izdanju Biltena su i informacije o osnivanju Reprezentativnog tijela iseljeništva u Njemačkoj, potpisivanju memoranduma o razumijevanju sa 28 gradova i općina u BiH na planu realizacije aktivnosti predviđenih Politikom o saradnji sa iseljeništvom BiH, o formiranju krovnog udruženja iseljenika iz BiH u Italiji kao i niz informacija od interesa za naše iseljeništvo.

Ovo je i prilika da Vas pozovemo da date i lični doprinos unapređenju saradnje između Bosne i Hercegovine i njenog iseljeništva. Otvoreni smo i radujemo se svim vašim prijedlozima i sugestijama koje će doprinijeti boljem međusobnom razumijevanju i snaženju saradnje.

Vaš Sektor za iseljeništvo Ministarstva za ljudska prava i izbjeglice





Pokrenut Prvi interaktivni portal za dijasporu iz Bosne i Hercegovine



Prvi interaktivni portal za dijasporu iz Bosne i Hercegovine u vlasništvu Ministarstva za ljudska prava i izbjeglice pokrenut je 26. februara 2018. godine u Sarajevu, a uspostavljen je u svrhu provedbe Politike o saradnji s iseljentištvom, odnosno unapređenja komunikacije i razmjene informacija između bh. iseljentištva i BiH.

Portal (dijaspora.mhrr.gov.ba) je kreiran u okviru projekta "Dijaspora za razvoj", koji je projekt Vlade Švicarske i Ministarstva za ljudska prava i izbjeglice u partnerstvu s Razvojnim programom Ujedinjenih nacija (UNDP) i Međunarodnom organizacijom za migracije (IOM) u BiH.

Na promociji interaktivnog web-portala za dijasporu iz BiH govornice su ministrica za ljudska prava i izbjeglice BiH Semiha Borovac, ambasadorica Švicarske u BiH Andrea Rauber Saxer i predsjednica Bosanskohercegovačko-američke

akademije umjetnosti i nauka (BHAAAS) Nirvana Pištoljević.

Primarni cilj ovog portala je uspostavljanje dvosmjerne komunikacije između države BiH i njenog iseljentištva. Ono što je bitno za ovaj portal jeste da je on izraz volje i, prije svega, ideje iseljentištva da se napravi ovakav portal koji bi bio zajednička tačka komunikacije.

Portal će pružiti bh. dijaspori osim vijesti, dokumentata, informacija o projektima i mogućnost da iznesu svoje ideje, svoje projekte i na taj način učestvuju u kreiranju javne politike u BiH i posebno određenih politika koje su značajne za iseljentištvo, a na takav način da utiču na ekonomski razvoj BiH

Ova platforma omogućava nesmetanu komunikaciju između dijaspore i Bosne i Hercegovine, gdje će predstavnici dijaspore imati mogućnost da podijele iskustva stečena u inostranstvu, ideje, aktivnosti i znanje u svojim područjima ekspertize i promoviraju inicijative iz dijaspore za razvoj BiH.

Posredstvom portala biti će osigurano učešće iseljenika u kreiranju javnih politika u nadležnosti Ministarstva i drugih institucija te će biti objavljivane informacije o poslovnim prilikama kao i javni pozivi sa informacijama o mogućnosti finansiranja projekata ili apliciranja za grant sredstva. ■

Vijeće ministara BiH usvojilo Izvještaj o provedbi Politike o saradnji sa iseljeništvom

Vijeće ministara BiH je 132. sjednici, održanoj 8. februara 2018. godine usvojilo Izvještaj Ministarstva za ljudska prava i izbjeglice o provedbi Politike o saradnji sa iseljeništvom za 2017. godinu, koja je usvojena u aprilu 2017. godine i donijelo odgovarajuće zaključke u cilju njene daljnje provedbe.

U izvještaju je naglašeno da su pokrenute aktivnosti za provođenje ciljeva ove politike, koji se odnose na razvoj pravnog sistema i institucionalnih kapaciteta u ovoj oblasti, pružanje podrške iseljeništvu i unapređenje saradnje, te stvaranje uvjeta za veći doprinos iseljeništvu razvoju Bosne i Hercegovine, kaže se u saopćenju sa sjednice Vijeća ministara BiH.

Prema Politici, uz državna ministarstva

za ljudska prava i izbjeglice i vanjskih poslova u provođenju ovih aktivnosti, koje iziskuju duži period, aktivno se uključuju i druge nadležne institucije u skladu s propisanim ustavnim nadležnostima.

Finansijska sredstva potrebna za realizaciju Politike o saradnji sa iseljeništvom osigurana su u budžetu Ministarstva za ljudska prava i izbjeglice, dok je veći dio osiguran donatorskim sredstvima Švicarske vlade putem projekta „Dijaspora za razvoj.“

Na lokalnom nivou ovaj projekt će osnažiti kapacitete jedinica lokalne samouprave za pružanje kvalitetnijih usluga, umrežavanja i bolje saradnje s dijasporom i njeno uključivanje u razvojne planove. ■

Dijaspora za razvoj: Prijenos znanja iz iseljeništvu u BiH


Ministarstvo za ljudska prava i izbjeglice Bosne i Hercegovine, u okviru svojih nadležnosti za iseljeništvu, zaduženo je za provođenje dokumenta „Politika o saradnji sa iseljeništvom“ kojim je predviđeno „Mobiliziranje ljudskih potencijala, znanja i vještina iseljeništvu“ što će biti realizirano, između ostalog, i kroz uspostavu mehanizma za prijenos znanja iz iseljeništvu u BiH s ciljem većeg doprinosa razvoju Bosne i Hercegovine.

Dio aktivnosti na prijenosu znanja iz iseljeništvu u javne institucije u Bosni i Hercegovini realizuje se u okviru projekta „Dijaspora za razvoj“ (D4D). „Dijaspora za razvoj“ je projekat Vlade Švicarske i Ministarstva za ljudska prava i izbjeglice Bosne i Hercegovine u partnerstvu sa Razvojnim programom Ujedinjenih nacija (UNDP) i Međunarodnom organizacijom za migracije (IOM) u Bosni i Hercegovini.

U okviru ovog projekta predviđen je prijenos znanja kroz kratkoročni angažman (do tri sedmice) ukupno pedeset stručnjaka iz iseljeništvu od 2018. do 2020. godine s ciljem doprinosa realizaciji aktivnosti utvrđenih u Politici o saradnji sa iseljeništvu.

Stručnjaci će biti angažirani u institucijama na svim nivoima vlasti u BiH i javnim ustanovama na osnovu iskazanih potreba.

Svi zainteresirani detaljne informacije o ovoj aktivnosti mogu pronaći na Interaktivnom portalu za dijasporu iz BiH: www.dijaspora.mhrr.gov.ba. ■



Borovac-Ademi: Jačati saradnju sa iseljeništvom

Ministrica za ljudska prava i izbjeglice BiH Semiha Borovac sastala se u Sarajevu 18. decembra 2017. godine sa ministrom za dijasporu Republike Makedonije Edmond Ademijem sa kojim je razgovarala o aktivnostima Bosne i Hercegovine na planu provedbe Politike o saradnji sa iseljeništvom.

Ovaj ministarski sastanak realiziran je u okviru Trećeg poslovnog foruma „Opštedruštveni dijalog u BiH – Sarajevo 2017“, koji je održan u organizaciji Evropskog pokreta u Bosni i Hercegovini.

„Bosna i Hercegovina predstavlja dobar primjer reguliranja odnosa sa iseljeništvom koji će slijediti i makedonske vlasti tokom naredne godine za kada je planirana izrada strateških dokumenata za uređenje pitanja saradnje sa našom dijasporom“, kazao je ministar Ademi.

Ministrica Borovac je istaknula kako Ministarstvo za ljudska prava i izbjeglice BiH pro-



vodi niz aktivnosti na planu realizacije Politike o saradnji sa iseljeništvom navodeći da je počeo proces mapiranja dijaspoore u deset zemalja svijeta, kao i formiranje reprezentativnih tijela predstavnika našeg iseljenništva u zemljama prijema. Također, istaknut je i značaj potpisivanja memorandumu o saradnji sa 28 jedinica lokalne samouprave u BiH koje su se obavezale na provedbu Politike i jačanje veza sa bosanskohercegovačkim iseljeništvom. ■

Štuttgart: Održan drugi sastanak za osnivanje Reprezentativnog tijela iseljenništva u Njemačkoj



U Štuttgartu je 2. decembra 2017. godine održan drugi sastanak za osnivanje Reprezentativnog tijela iseljenništva u SR Njemačkoj u skladu sa Politikom o saradnji sa iseljeništvom, aktivnost „Jačanje kapaciteta organizacija u iseljeništvu i uspostava mehanizma za predstavljanje iseljenništva u zemljama prijema i u BiH“.

Ovom sastanku su u ime institucija BiH prisustvovali zamjenik ministricе za ljudska pra-

va i izbjeglice BiH Predrag Jović, savjetnik ministricе Kemo Sarač, šefica Odsjeka za privrednu, obrazovnu, naučnu i kulturnu saradnju u Sektoru za iseljeništvu Isma Stanić i Tugomir Čuljak, savjetnik predsjedavajućeg Predsjedništva BiH dr. Dragana Čovića, predstavnici DKP mreže u SR Njemačkoj: Zihnaida Sadiković, prvi sekretar u Ambasadi BiH u Berlinu, Zvonko Mišković, generalni konzul u Štuttgartu, Ruzmira Tihčić-Kadrić, generalna konzulica u Minhenu i Mitar Pavić, konzul Generalni konzulat BiH u Frankfurtu, te međunarodnih organizacija u BiH.

Drugom sastanku za osnivanje Reprezentativnog tijela iseljenništva u Njemačkoj prisustvovalo je 45 predstavnika organizacija i pojedinaca iz iseljenništva: Mreže bh. studenata i akademika u Njemačkoj, Zajednice građana BiH, Organizacije “Od čovjeka čovjeku”, Udruženja bivših logoraša i traumatiziranih osoba, Islamskog kulturnog centra “Hidaje” Minhen, Saveza

udruženja RVI iz BiH u dijaspori, Saveza dopunskih škola BiH u SR Njemačkoj, "Sevdaha" Frankfurt, Merhameta Njemačka, Bosanskog akademskog kruga, KUD Mladi Biseri Frankfurt, Hrvatskog gospodarskog saveza i Hrvatskog svjetskog kongresa u Njemačkoj. Osim predstavnika ovih organizacija, na sastanku su učestvovali i pojedinci iz iseljeništa pripadnici sva tri konstitutivna naroda u BiH.

Na sastanku su usvojeni sljedeći zaključci:

1. Umjesto "Reprezentativno tijelo iseljeništa", tijelo će se zvati "Reprezentativno tijelo dijaspore Bosne i Hercegovine u Saveznoj Republici Njemačkoj".

2. Reprezentativno tijelo će biti sastavljeno od 28 članova predstavnika iseljeništa organizovanih u četiri regionalna odbora, po jedan u svakom od četiri područja koja pokrivaju diplomatsko-konzularna predstavništva BiH: u Berlinu, Minhenu, Štutgartu i Frankfurtu. Svaki regionalni odbor će se sastojati od sedam članova: po dva predstavnika iz svakog konstitutivnog naroda i jedan predstavnik ostalih. Članovi Reprezentativnog tijela se biraju među predstavnicima organizacija i uglednih pojedina (biznismena, akademskih radnika, ljekara, mladih profesionalaca i dr.). Unutar Reprezentativnog tijela biće uspostavljeno šest ekspertnih grupa iz sljedećih oblasti: privreda i ekonomija, nauka i obrazovanja, kultura i sport, socijalne i humanitarne djelatnosti, priprema projekata i informisanje i administrativno-pravna pitanja.

3. Diplomatsko-konzularna predstavništva BiH u Berlinu, Minhenu, Štutgartu i Frankfurtu će u roku od 90 dana organizovati sastanke na kojima će predstavnici iseljeništa izabrati svoje predstavnike za Reprezentativno tijelo dijaspore BiH u Njemačkoj. U slučaju da ne bude bilo moguće izabrati članove Reprezentativnog tijela na ovaj način, uspostaviće se komisija sačinjena od predstavnika diplomatsko - konzularnih predstavništava, Ministarstva vanjskih poslova, Predsjedništva BiH i Ministarstva za ljudska prava i izbjeglice koja će provesti proceduru izbora.

4. Diplomatsko-konzularna predstavništva BiH će pružati podršku Reprezentativnom tijelu dijaspore u Njemačkoj što podrazumijeva pomoć u vezi sa uspostavom ovog tijela, izbor članova tijela, osiguranje prostora za sastanke, te međusobno umrežavanje članova Reprezentativnog tijela.

Dogovoreno je da se do narednog sastanka preispitaju najpovoljniji oblici registrovanja ovog tijela u Njemačkoj. ■

Prijenos znanja iz dijaspore u Bosnu i Hercegovinu: stigle 23 prijave stručnjaka iz dijaspore i 16 prijava institucija iz BiH



Ministarstvo za ljudska prava i izbjeglice BiH, u okviru nadležnosti za iseljeništvu, zaduženo je za provođenje dokumenta "Politika o saradnji sa iseljeništvom". Dokument Politika predviđa „Mobiliziranje ljudskih potencijala, znanja i vještina iseljeništa“ što će biti realizirano, između ostalog i kroz uspostavu mehanizma za prijenos znanja iz iseljeništa u BiH s ciljem većeg doprinosa razvoju BiH.

Dio aktivnosti na prijenosu znanja iz iseljeništa u institucije/javne ustanove u BiH realizira se u okviru projekta "Dijaspora za razvoj" (D4D). "Dijaspora za razvoj" je projekat Vlade Švicarske i Ministarstva za ljudska prava i izbjeglice BiH u partnerstvu sa Razvojnim programom Ujedinjenih nacija (UNDP) i Međunarodnom organizacijom za migracije (IOM) u Bosni i Hercegovini.

Ministarstvo za ljudska prava i izbjeglice BiH, u saradnji sa partnerima, počelo je krajem januara ove godine realizaciju aktivnosti prijenosa znanja iz dijaspore u BiH kroz kratkoročni angažman ukupno pedeset stručnjaka iz dijaspore u periodu od 2018. do 2020. godine. Nakon što je Ministarstvo za ljudska prava i izbjeglice BiH uputilo poziv institucijama na svim nivoima u BiH i javnim ustanovama, te stručnjacima u dijaspori za prijenos znanja, u periodu od dva mjeseca pristigle su prijave 16 institucija/javnih ustanova u BiH, te 23 stručnjaka iz devet zemalja.

Interesovanje za angažiranje stručnjaka iz dijaspore, u različitim oblastima, jednako su pokazale institucije/javne ustanove u oba bh. entiteta. Prateći trend do sada prijavljenih stručnjaka iz dijaspore u različitim oblastima, najviše interesovanja za prijenos znanja pokazali su eksperti porijeklom iz BiH koji žive u SAD (njih sedam), potom iz Srbije (četiri), Australije i Njemačke (po tri), Kanade (dva), te po jedan stručnjak iz Velike Britanije, Švedske, Švicarske i Hrvatske.

Još jednom pozivamo zainteresirane stručnjake iz dijaspore i institucije/javne ustanove u BiH da se uključe u realizaciju aktivnosti prijenosa znanja. ■

Vijeće ministara BiH: Evropske zemlje najznačajniji investitori u BiH

Vijeće ministara BiH je na 124. sjednici, održanoj 12. decembra 2017. godine upoznato o Analizi direktnih stranih investicija u Bosni i Hercegovini za 2016. i 2017. godinu s uporednom analizom BiH i država regiona u izvještajima međunarodnih organizacija, koju je pripremila Agencija za unapređenje stranih investicija u BiH, saopćilo je Vijeće ministara BiH.

Prema prvim podacima, direktne strane investicije od 386,7 miliona KM u prvom polugodištu ove godine porasle su za više od 66 posto u odnosu na isti period prošle godine, ali je potrebno sačekati konačne podatke za potvrdu ovog ohrabrujućeg trenda. Registrirana su ulaganja

veća od 10 miliona KM iz Švicarske (61,6 miliona KM), Ujedinjenih Arapskih Emirata (22 miliona KM), Srbije (19,4 miliona KM), Slovenije (15,5 miliona KM) i Kuvajta (14 miliona KM).

Prema podacima Centralne banke BiH, direktna strana ulaganja u 2016. godini u BiH su iznosila 536,3 miliona KM.

Ukupna direktna strana ulaganja u BiH od maja 1994. do decembra 2016. godine, prema podacima Centralne banke BiH, iznosila su oko 13 milijardi KM. Najviše stranog kapitala je uloženo u proizvodnju 34 posto, bankarski sektor 24 posto i telekomunikacije 13 posto. Iako posljednjih godina raste broj investicija s Bliskog istoka, najznačajniji investitori u Bosnu i Hercegovinu i dalje su evropske zemlje. ■



Potpisan memorandum o saradnji u oblasti iseljeništva sa 28 gradova i općina u BiH



Ministrica za ljudska prava i izbjeglice BiH Semiha Borovac potpisala je 20. novembra 2017. godine u Sarajevu memorandum o saradnji u oblasti iseljeništva s gradonačelnicima i načelnicima, odnosno predstavnicima 28 gradova i općina u BiH.

Ministrica Borovac je kazala da potpisivanje memoranduma o saradnji s iseljeništvom putem jedinica lokalne samouprave predstavlja značajan korak u realizaciji Politike o saradnji

sa iseljeništvom, koju je donijelo Vijeće ministara BiH u aprilu ove godine.

“Ovo je odraz kontinuirane saradnje s predstavnicima jedinica lokalne samouprave, ali i naša buduća aktivnost koja će se odvijati na planu realizacije uloge koju imaju jedinice lokalne samouprave kada je u pitanju saradnja sa iseljeništvom”, kazala je ministrica Borovac, dodajući da su one prepoznate i imaju ključnu ulogu u realizaciji svih ovih obaveza koje proizlaze iz te saradnje.

Prema njenim riječima, zacrtana su dva glavna cilja, prije svega jačanje njihovih kapaciteta kako bi jedinice lokalne samouprave bile osposobljene za rad s iseljeništvom, jer iseljeništvo zahtijeva posebne uslove i kvalitet rada, s posebnim naglaskom na razvijanje lokalnih projekata koji će biti usmjereni za uključivanje iseljeništva u lokalni razvoj. ■



U Cirihu održan Poslovni forum Bosna i Hercegovina – Sektor Housing

U Cirihu je 10. novembra 2017. godine održan Poslovni forum Bosna i Hercegovina – Sektor Housing, čije održavanje je iniciralo udruženje i-dijaspora u okviru inicijative “i-platform – Dijaspore za razvoj Bosne i Hercegovine”.

Ovaj skup organiziran je u saradnji sa Vanjskotrgovinskom komorom Bosne i Hercegovine, Privrednom komorom Republike Srpske, Švicarskim programom za promociju izvoza, kompanijom SEE Investment Solutions iz Švicarske i projektom Diaspora za razvoj, koji je podržan od strane Švicarske agencije za razvoj i saradnju i implementiran u partnerstvu sa Ministarstvom za ljudska prava i izbjeglice BiH i Razvojnim programom Ujedinjenih naroda.

Forumu je prisustvovalo više od 80 učesnika uključujući predstavnike kompanija iz Bosne i Hercegovine i Švicarske kao i članove bh. dijaspore u Švicarskoj. Cilj prvog Poslovnog foruma bio je povezivanje proizvođača iz BiH sa poslovnim partnerima i potencijalnim kupcima iz Švicarske.

U uvodnom obraćanju, učesnicima na Forumu se obratio N.J.E. Anđelko Grahovac, Ambasa-

dor BiH u Švicarskoj, kao i organizatori Foruma: gosp. Ahmed Egrić, direktor Vanjskotrgovinske komore BiH, gđa Jelena Rodić, Privredna komora Republike Srpske, Franziska Eggiman, Švicarski program promocije izvoza –SIPPO i gosp. Edin Dacić, član Upravnog odbora i-dijaspore, a program je moderirao Taner Aličehić, iz firme SEE Investment Solutions. Oni su posebno istakli značaj bh. dijaspore u Švicarskoj u povezivanju firmi iz BiH iz sektora “Housing” sa poslovnim partnerima i kupcima u Švicarskoj, te kolika je motivacija i mogućnost bh. dijaspore da pomogne većoj trgovinskoj razmjeni između BiH i Švicarske.

Kao inspirativne i uspješne poslovne priče predstavljene su poslovne karijere Hasana Hasića i njegove firme za izradu dizajnerskog namještaja Whiteoak Group AG i Tatomira Jovičića, vlasnika firme Task Force & Logistic, koja između ostalog, obezbjeđuje standove i proizvode od drveta iz BiH za turistički savez Lausanne, a također proizvodi i sir visokog kvaliteta po švicarskom receptu na farmi u BiH. ■

Promoviran Znanstveni portal Bošnjačkog instituta – Fondacije Adila Zulfikarpašića

Promocija Znanstvenog portala Bošnjačkog instituta – Fondacije Adila Zulfikarpašića održana je u Sarajevu 16. novembra 2017. godine. Znanstveni portal je znanstveno-istraživački projekat Bošnjačkog instituta – Fondacije Adila Zulfikarpašića. Pokrenut je u cilju objedinjavanja bh. znanstvene produkcije koja nastaje u inozemstvu, te strane produkcije o BiH. U okviru projekta kreirana je platforma za online digitalni repozitorij otvorenog pristupa.

Ovaj portal prikuplja znanstvene radove autora bh. porijekla koji žive u inozemstvu, radove autora stranih državljana o BiH i radove autora bh. državljana i rezidenata nastale u inozemstvu. Portal omogućava pohranu sadržaja u punom tekstu, bibliografije radova, bibliografske podatke, na način i na razini pristupa koju su definirali sami autori, te informacije o naučnim konferencijama i skupovima u BiH i inozemstvu. Osnovna ideja Portala je prikupljanje i razmjenjivanje znanstvenih sadržaja i informacija, te povezivanje znanstvenika i istraživača bh. kulturne i znanstvene baštine kroz jedinstvenu i zajedničku platformu koja će omogućiti umrežavanje znanstvenika,



te razvijanje budućih znanstvenih projekata.

Nakon promocije Znanstvenog portala održan je Okrugli sto pod nazivom Otvoreni pristup znanju, koji je organizirao Bošnjački institut u saradnji sa Katedrom za komparativnu književnost i bibliotekarstvo Filozofskog fakulteta Univerziteta u Sarajevu. Tokom okruglog stola diskutirano je o

temama otvorenog pristupa znanju u online okruženju, mogućnostima i ograničenjima njegovog korištenja, načinima arhiviranja online i digitalnog sadržaja, te primjerima akademskih baza podataka otvorenog pristupa. Okrugli sto organiziran je u cilju informiranja stručne i akademske zajednice o značaju i mogućnostima otvorenog pristupa znanju kao globalnom pokretu koji zagovara protok znanstvenih informacija i korištenje znanja bez ograničenja.

Ovaj projekat Bošnjačkog instituta – Fondacije Adila Zulfikarpašića sufinansiralo je Ministarstvo za ljudska prava i izbjeglice Bosne i Hercegovine u okviru grant sredstava dodijeljenih na osnovu javnog poziva 2015. godine, a detaljne informacije možete pogledati na www.znanstveniportal.ba. ■

**DIASPORA
INVEST**



USAID: Pokrenuta online platforma 'diasporainvest.ba'

Online platforma 'diasporainvest.ba' puštena je 16. novembra 2017. godine s ciljem online povezivanja bh. dijaspori, umrežavanja profesionalaca iz različitih oblasti te promocije novih poslovnih prilika za saradnju u BiH i svijetu.

Platforma je pokrenuta u okviru USAID-ovog Projekta "Podrška investiranju dijaspori u BiH", a direktor USAID za BiH Peter Duffy smatra da bh. dijaspora ima ogroman potencijal.

Naglasio je da je prije platforme pokrenut program kreditnih garancija i program grantova te tehnička pomoć.

"Ova platforma sadrži i alate koji će omogućiti predstavnicima dijaspori širom svijeta da istraže trgovinske mogućnosti, da naprave veze i razmotre pokretanje investicija u BiH", rekao je Duffy.

Šef Projekta "Podrška investiranju dijaspori u BiH" Sanjin Arifagić kazao je da će platforma pružati informacije bh. dijaspori u vezi s investiranjem u BiH, te dodao je da je povećano interesovanje za IT sektor, što će biti u fokusu, a slijede metalska i drvoprerađivačka industrija. ■



Piacenza: Formirano krovno udruženje iseljenika iz BiH u Italiji

U Piacenzi je 25. novembra 2017. godine održana osnivačka skupština krovnog udruženja iseljenika iz BiH "Unija BiH udruženja u Republici Italiji", kojoj su prisustvovali predstavnici Ministarstva za ljudska prava i izbjeglice BiH Kemo Sarač i Isma Stanić.

Osnivačkoj skupštini, u prostorijama koje su za rad krovnog udruženja osigurale gradske vlasti Piacenze, prisustvovali su brojni pojedinci i predstavnici osam udruženja iz cijele Italije: BiH izvan granica Piacenza, Udruženje građana BiH Biella, Udruženje građana BiH Ljiljan Prescia, Udruženje građana BiH iz Verone, Udruženje građana BiH Most Trst, Udruženje građana BiH Nema problema Bologna, BiH zajednica Bosna u srcu Rim i Amici dei Bosnia Bari. Također, ovom događaju su prisustvovali i predstavnici lokalnih vlasti grada Piacenze, predstavnici Generalnog konzulata BiH u Milanu, predstavnici bh. iseljenika iz Hrvatske i predstavnici Svjetskog saveza dijaspore BiH.

Na osnivačkoj skupštini usvojen je Statut krovnog udruženja „Unija BiH udruženja u Republici Italiji”, te izabrano njegovo rukovodstvo. Za predsjednicu ovog udruženja izabrana je Mirjana Paunović iz Trsta (porijeklom iz Banjaluke), a njena zamjenica je Fatima Neimarlija iz Rima, Sanel Muharemović iz Piacenze izabran je za sekretara, dok će blagajnik biti Nermin Fazlagić

iz Verone.

Krovno udruženje će se baviti unaprjeđenjem položaja bh. iseljenika u Italiji, raditi na evropskim projektima, te organizirati interkulturalne razmjene i stručne prakse. Također, biće na raspolaganju bh. iseljenicima u reguliranju konzularnih pitanja i boravišnih dozvola u Italiji. Osnivanje krovnog udruženja bh. iseljenika u Italiji je važan korak u jačanju komunikacije unutar iseljeničtva, kao i njihovom objedinjavanju naročito zbog činjenice da su u rad ovog udruženja uključeni predstavnici sva tri naroda iz BiH, kao i organizacije i pojedinci. Ovo udruženje može biti most za jačanje saradnje između BiH i Italije, naročito saradnje na nivou lokalnih zajednica.

Predstavicima Ministarstva za ljudska prava i izbjeglice BiH priređen je prijem u Prefekturi Piacenze, gdje ih je primio zamjenik prefekta dr. Leonardo Bianco, te u Komuni grada Piacenze, gdje su se susreli sa zamjenikom gradonačelnice Piacenze Filibertom Pucijem. Predstavnici italijanskih vlasti istaknuli su dobru integriranost bh. iseljenika u Italiji, izrazili zadovoljstvo što je za sjedište krovnog udruženja izabrana Piacenza, te dodali da imaju namjeru pružati im i dalje podršku, kao i uspostavljati saradnju sa lokalnim vlastima u BiH koristeći ovo krovno udruženje kao sponu između dvije države. ■

Vijeće ministara BiH: Usvojena revidirana Strategija razvoja nauke u BiH



Vijeće ministara BiH je na 131. Sjednici, održanoj 30. januara 2018. godine, na prijedlog Ministarstva civilnih poslova, usvojilo revidiranu okvirnu Strategiju razvoja nauke u Bosni i Hercegovini do 2022. godine, koja daje strateške smjernice i plan djelovanja za razvoj ove oblasti u Bosni i Hercegovini.

Donošenjem ove strategije, Vijeće ministara BiH želi pomoći prosperitetni razvoj nauke i istraživanja i Bosnu i Hercegovinu integrirati u evropski prostor nauke, te olakšati pristupanje različitim evropskim mrežama i fondovima u ovoj oblasti.

U Strategiju je ugrađeno novo poglavlje „BiH u evropskom istraživačkom prostoru – ERA prioriteti, implementacija u Bosni i Hercegovini,

ni,“ a posebna pažnja posvećena je inovacijama putem poglavlja „Povezanost nauke i privrede.“

Provođenje ove strategije pozitivno će se odraziti na oblasti privrede, obrazovanja i kulture u našoj zemlji.

Strategija sadrži deset ključnih ciljeva i desetine mjera i aktivnosti koje nadležne institucije trebaju provesti kako bi do 2022. godine pomogle izgradnju i razvoj Bosne i Hercegovine, kao savremenog „društva znanja“.

Jedan od ciljeva je osiguranje vodeće uloge nauke i tehnologije kao faktora dugoročnog razvoja zemlje osiguranjem konsenzusa svih donosilaca odluka u smislu da razvoj nauke predstavlja opći interes. ■

MINISTARSTVO ZA LJUDSKA PRAVA I IZBJEGLICE BiH

Registracija | Login

INTERAKTIVNI PORTAL ZA DIJASPORU IZ BOSNE I HERCEGOVINE

HOME DIJASPORA ▾ PROJEKTI TRANSFER ZNANJA SAJAM IDEJA MLJPI ▾

KONTAKT

Email Ime i prezime

Predmet poruke

Tekst poruke

POŠALJI

Trg Bosne i Hercegovine

Replica of Zgosca's Stećak

Vijeće ministara ne i Hercegovine ikultet

Trg Bosne i Hercegovine

MINISTARSTVO ZA LJUDSKA PRAVA I IZBJEGLICE

Adresa:

TRG BIH 1
71 000 Sarajevo
Bosna i Hercegovina

Kontakt:

tel: +38733202600
fax: +38733206140
email: kabmin@mhr.gov.ba

Sektor za iseljenišvo

tel: +38733703975
fax: +38733703998
email: iseljenistvo@mhr.gov.ba

10 • BILTEN za iseljenišvo